

Powšitkowne WOZJEWJENJA

njedźelu, 27. septembra 2015

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa na wosebity nyšpor domchowanki z požohnowanjom konjacych zapřahow. Tutón budže tutu njedźelu, 27. septembra, w 14 hodź. w Chróścicach na łuce při Hatkach. Nyšpor wuhotuja Chróšćanscy wosadni dujerjo a wosadna šola. Po nyšporje móža sej zajimcy hišće wustajeńcu „790 lět Chróšćanska wosada“ w Hórnikowym domje wobhladać.

Projektowy dzeń k skrućenju dźěci

Wšitke dźěci wot předšulskeje staroby hač do 6. lětnika su sobotu, 3. oktobra, na projektowy dzeń pod hesłom „Starkmachtag“ do Chróścic přeprošene. Dzeń zarjaduje dekanatne dušepastyrstwo we Worklecach zhromadnje z dušepastyrstwom dźěci Drježdžansko-Mišnjanskeho biskopstwa. Nadrobnosće zhonja zajimcy z plakata a z wupołożenych flyerow w cyrkwjach kaž tež pod www.posol.de. Přizjewjenja přijimuju so hač do pónđzele, 28. septembra, pisomnje w dekanatnym dušepastyrstwie we Worklecach, Młynski puć 4.

Kubłanski dzeń za 7. a 8. lětnik

Pod hesłom „Derje je, zo mam přećela – wo lubosći a tajkich wěcach“ přeprošuje dekanatne dušepastyrstwo šulerki a šulerjow 7. a 8. lětnika sobotu, 10. oktobra, wot 9 do 16 hodź. do Don Boskoweho domu we Worklecach. Referentaj budžetaj na tutym polu wukubłanaj mandželskaj Brücker z Drježdžan. Dalše informacije dóstanu zajimcy w interneće pod www.teen-star.de. Přizjewjenja přijimuju so hač do wutory, 6. oktobra, pod telefonowym čisłom (03 57 96) 8 87 07. Přinošk wučinja na wobdźělnika štyri eura.

Oratorij „Žně“ w Budyskej serbskej cyrkwi

W cyrkwi Našeje lubeje Knjenje w Budyšinje zaklinči domchowanku, njedźelu 4. oktobra, we 18.00 hodź. oratorij „Žně“ wot Korle Awgusta Kocora na tekst Handrija Zejlerja. Pod nawodom dirigenta Gabriela Doná spěwaja chór Serbskeho ludoweho ansambla a Praski chór „Coro di Praga“, solisća Elmira Yakhina (sopran), Mira Szary (alt), Mikołaj Walerych (tenor) a Jae-Hyung Cho (bariton). Přewod na klawěrje přewozmjje Liana Bertók. Wšitcy su wutrobnje přeprošeni. Zastup je darmotny, wo kolektu so prosy.

Zapokazanje noweho Radworskeho fararja

Farar Beno Jakubaš je wot 1. oktobra za Radworskeho fararja pomjenowany. Swjatočne zapokazanje fararja Jakubaša budže srjedu, 7. oktobra, we 18 hodź. na Božej mši w Radworskej farskej cyrkwi. Wšitcy su wutrobnje přeprošeni.

Eksercicije w Drježdžanskim Domje Wysoke duby

Dny rozpominanja a modlenja wotměja so wot pjatka, 30. oktobra, we 18 hodź. hač do nje-džeze, 1. nowembra, w 10 hodź. w eksercicijnym Domje Wysoke duby w Drježdžanach. Jezuitski pater Willi Lambert je k temje „Z wutroby žiwy być – Haj k Lětu smilnosće“ přewjedže. Wón budže w němskej rěči přednošować, modlitwy a kěrlušy budu serbske. Dny rozpominanja maja wěriwym pomhać, z duchownymi impulsami, wosobinskim modlenjom, rozmołwu a Božej mšu žro Jězusoweho ewangelija spóznać. Přizjewić měli so zajimcy w Chrósćicach na farje, telefonowe čisło (03 57 96) 8 04 00, w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10 abo z mailku na info@haus-hoheneichen.de.

Pytaja młodžinskeho referenta

Za dekanatne dušepastyrstwo młodžiny we Worklecach ma so tak spěšnje kaž móžno referent respektiwnje referentka ze socialnopedagogiskej abo teologiskej kwalifikaciju přistajić. Wuměnjena su dobre znajomosće w młodžinskim abo kubłanskim dźěle, wobkneženje serbskeje rěče, zwólniwość, tež wječor abo kónc tydženja dźělać a přezjednosć z nadawkom, službu a žiwjenjom katolskeje cyrkwy.

Dźěłowe městno je w Don Boskowym domje we Worklecach. Zrěčenje je na dvě lěće wobmjezowane. Pisomne požadanja přijimuje hač do štwórtka, 1. oktobra, biskopski ordinariat, personalny wotrjad, Käthe-Kollwitz-Ufer 84, 01309 Drježdžany abo z mailku na bewerbung@ordinariat-dresden.de. Štóž ma prašenja, njech zazwoni na młodžinskeho dušepastyrja biskopstwa, fararja Ralpa Kochinku, telefonowe čisło (03 51) 3 36 47 16.

Putniska jězba do Mariazella

Za putnisku jězbu wot pónđzele do soboty, 12. do 17. oktobra, do Mariazella w Awstriskej móžeja so hišće zajimcy přizjewić. Přenocowanje je stajnje w Mariazellu. Jězba powjedže tež k benediktinskimaj klóštromaj Melk a Admont. Zapřijata je tohorunja parnikowa jězba po luboznej krajiny Wachau. Přizjewić móžeće so pola Šmitec w Radworju, telefonowe čisło (03 59 35) 28 60.

T. Kubašec

Gospelholydays: 1.000 hłosow – 1 chór

Na najwjetši gospelowy festiwal srjedźneje Němskeje su wuraznje tež serbske chóry abo jednotliwi spěwarjo wšěch starobnych skupin přeprašeni. Tutón wotměje so pod mjenom Gospelholydays klětu wot pjatka do nje-džeze, 4. do 6. měrcy, w Zwickauwe. Štóž so hač do 30. septembra přizjewi, płaći něšto mjenje hač hdyž to wot 1. oktobra abo samo po 1. januaru sčini. Organizatorka Carmen Wutzler z Weinböhly je hižo wjackróc ze swojim mandželskim w Smochćicach z biskopstwowym dźěćacym chórom spěwy za nabožne tydženje nahrawała. Wona zwurazni: „Gospelholydays chce chóry inspirować a pozbudzić, ale wosebje chcemy ludźi pozbudzić a wokřewić z najlěpšim poselstwom swěta, kotrež jako křesćenjo mamy.“ Nadrobne informacije su pod www.gospelholydays.com wozjewjene. Dalše informacije poda Carmen Wutzler, Annenstraße 7 we Weinböhly, telefonowe čisło (03 52 43) 46 555.